



太乙統宗寶鑑卷第十四

明太乙統十二運卦象之術上

其一日、天地否泰之運、夫易有太極而生兩儀、乾天之體也、而運乎上、坤地之質也、而止乎下、天地既判、其氣未交而為否、泰天地之氣其既交而為泰、故為天地泰否之運、始於乾、終於泰、四卦七百年卦體、天地否泰之象焉、每卦之內、上九下六、有四五二六之災、當此之時、天下為凶、至交運首尾之年、月行其

運過乾卦偏陽坤卦偏陰否卦極爻多旱泰卦陰陽和風雨時也

乾三三經二百一十六年象曰天行健君子以自疆不息

太乙統乾之卦人君此時寡欲勤政以立天下久長之策天以日運不息其行也健故日月星辰晝夜迭見古今而為天者常不息也人君体天行道者宜其自強不溺於色聲色之娛不驕於金石之美毋惑乎左

右便辟之習毋厭乎經術骨體之親所以為人君者亦常不息也天德剛故行健君德剛故自強不堯日

行其道舜日致其孝禹思日孜孜湯日新也日新

文王日昃不暇食武王夙夜罔或不勤太乙理之文

其有用於天運考也數昭昭矣乾之六爻皆備聖人之

道太乙理之蓋時有不同焉初止非用事之位初卑

之變為災害之輕上極之變為災害之重二五之爻

居中得正故為大人太乙經之嘉祥豐盛而為天下

治二之在田非其德不足於五時見而見者也五之  
在天非其得有餘於二時飛者而飛者也此時君聖  
臣賢國政大治三內極多凶四近五多懼太乙所理為  
多難之時數貴在和為安遇掩迫閑格如占有變

坤  
三三

經一百四十四年象曰地勢坤君子以厚德載物

太乙統坤之卦人君此時好善忌勢有容天下之量如  
地有不順勢無有不下人君仰現象於天府則觀

察

法於地屈萬乘之尊納匹夫之賤恢恢乎無所不容  
其勢坤也豈有專指坤為人臣之象無關於人君  
乎人君之身動則為乾靜則為坤一身之間乾坤  
備具極天下萬物百備於我可不含德之厚兼萬  
物而載之乎大舜所為大者善與人同也故曰如  
天之無不覆如地之無不載其或偏心墮量忠言無  
所入正諫不能容變生腑肘而不知禡起蕭牆而  
不悞良由得薄而物非吾有也當此之時可不戒哉

可不畏哉

坤之六爻初居下卦之始其陰柔微故有履霜之象因陰之始萌太乙理之而戒其早辨也忌陽九百六關格之年如其占四居上卦之初其陰已盛故有天地閉之象因陰之盛太乙理之而戒其謹守也數貴於和至於上六龍戰太乙理之其禍已不及矣值關囚掩迫之年故有傷四之盛不在四而在初上之戰不在上而在四得坤之正也唯二六一爻故其德值

方大太乙所理在其中道既所用而不周所施而不利乃折言泰之世也太乙理六三六五之爻陰居陽位為含章為黃裳數貴於和而有慶理三之時宜守正而晦其德理五之時行於中道宜守中而居下本嗚呼數之具廢天道之常唯忌關囚掩迫為凶又何致元吉哉

否三三

經一百八十年象曰天地不交否君子以儉德避難不

可榮以祿

太乙統否之卦人君此時畏天脩德不敢自安天下之奉也天下之奉即天之所以與君祿也詩曰宜民人受祿于天傳曰善治則福祿日來今天確然在上而不下濟地隕然在下而不上承二時閉塞之時人君其得不惧以克健惟難之避其可偃然自尊安居於天下之奉不以爲過與成湯用此以罪己宣王用此以側身凡所謂減膳徹樂皆不可榮以

祿之意也若專指公卿大夫之祿言之失大象之指矣否之六爻內陰而外陽此否之時內柔而外剛閉之時內小人而外君子此否之禍太乙理之筭和死迫狹關格皆无禍有吉以見國政无不爲可之時也人君處否修德慎守納忠求謀則否不矣太乙理上三爻否道將變九五又爲休否之主四之有命否共是乎將終矣所以理上三爻之時爲易理下三爻之時爲難初則未得其位小人拔茅而

進忌關囚掩迫陽九百六出爻之年如占宜修德  
理政六二之爻群下用權之際人君處否而能亨者  
在乎包承太乙理六三之爻在下卦之上以陰居陽  
否道將變歲會囚迫掩格凶變如之

泰

經一百八十年象曰天地交泰后以財成天地之道輔相  
天地之宜以左右民

太乙統泰之卦人君此時保泰之治以去天下之泰甚

也天氣下降地氣上騰二氣交而万物通故  
謂之泰即和樂之極也天下謂有不樂極生悲者  
於泰之道能去其泰甚則財成輔相有不可已所  
以保泰之治以左右吾民也夫天地之道由中而立  
天地之宜由和而主如此安泰之時保泰之治无泰  
甚之患矣在不偏於左右既不偏於右亦納天下之民皆  
居吾中和之極也舜在璇璣玉衡以齊七政命禹  
平水土稷播百谷臣作股肱左右有民得財成輔

相之義也故舜受天下不以為泰設戒之喻泰  
之六爻內陽而外陰此泰之時內健而外順此泰之  
德內君子而外小人此泰之治太乙理之天地交通  
陰陽通和平而為富貴泰和豐稔之時泰乙理之  
初爻在乾拔茅彙征則賢進於朝以明泰之由  
太乙理上爻言復隍僉亂則王降為國以明泰之  
將變遇陽九百六掩迫而凶如占太乙理二爻行治  
中道內外相應此為君臣道泰之時國有禎祥

二言其事以明處泰之道故言包荒光大得上  
於中行也五言其福以明保泰之主故言歸妹  
元吉中以行願也然盛極必衰天道之常理聖  
人於泰獨於三四爻言往復之義者豈待其既  
衰之後而圖之哉太乙理斯施德得行政慎而慎  
而謹之謂能常安而不危者修之於未危能守  
常治而不亂者脩之於未亂至於盛極城復于  
隍則無極矣其二曰男女交親之運繼之以天地



交泰之後天地交泰而男女生焉乾一索而得  
男曰震又為長男坤一索而得女曰巽選又為長  
女長男長女而夫婦成恒夫婦既交而益乾  
再索而得男曰坎又為中男坤再索而得女  
曰離又為中女中男中女而夫婦成為既濟夫婦  
既交為未濟乾三索而為男曰艮又為少男坤  
三索而得女曰兌又為少女少男少女而夫婦成  
為損夫婦既交為咸男女各歸其親故受之以男

女交親之運始自震終於咸統十二卦歷二千一  
百六十年卦体男女交親之象焉震巽為長男  
長女之成恒為長男長女之合坎離為中男中  
女之成既濟未濟為中男中女之合艮兌為少男  
少女之成損為少男少女之合太乙行之雖忌凶  
害唯運度上九上六之際為甚焉歲月行其運  
遇內外極爻無應失位為凶日特遇之陰陽兩  
露均

震三

經一百六十八年象曰游雷震君子以恐懼脩省

太乙經震之卦人君此時畏天之威修人事保天下有

此時者也以震之威相繼而作驚遠海懼近游雷

震之象也豈不可畏哉人君生於深宮之中長於

女子之手目不睹稼穡之艱耳不聞閭里之愁歎

其心易以驕其欲易以縱不知何為而恐懼何為

修省唯天之一字加乎人君之上庶乎天威為畏

人事為可勉也堯欽若昊天湯欽崇天道文王小

心翼翼武王祗承上帝皆恐懼脩省之意宣王

雲漢之詩有日兢兢業業如雷然則畏天之威于

時保之用震之象焉

震之六爻太乙理之時有驚懼之義唯初爻獨得

為吉者在主震之位又其剛也二以陰居太乙

雖行中道震而有喪筭和為守正懷懼毋興

徃役為安過迫挾危失之咎五以陰居陰太乙行

于中道故毋喪筭和為宜脩德守中應機為  
得道迫挾失德有乖為太乙理六三之爻陰居陽  
位不中不正其能安居能廷善去惡筭無迫挾  
則無過青生矣太乙理上六之爻以陰居陰當  
夏變之時歲遇囚迫妄動為凶筭和時用為  
貴索索乃消索之時矍矍乃不安之義太乙  
理九四之爻以陽居陰又陷四陰之中遇迫挾閑格失  
德為凶變為孽

巽三

經一百九十二年象曰隨風巽君子以申命行事  
太乙統巽之卦人君此時嚴令之發示天下之必  
行也巽為風上下皆巽上風行下之靡非有隨風  
巽之象人君於發號施令之際必三令五申如上  
下之風相繼而起使天下亦如草偃罔有不隨則  
令出惟行弗惟反矣天下之事不為則已為則  
必行無朝令夕改之驟無甲可乙否之疑如先甲

三日後三日創命令於其前非不明也先庚三日後庚三日申命令於其後非不更也賞一人則千及萬人勸罰一人則千萬人惧信賞必罰無不行之事也臯陶矢厥謀於初禹成厥功於中舜又申之於終後文命敷於四海賢者任之而無二邪者去而無疑疑謀惟成百志惟熙至於四方動隨風之義彰矣

巽之六爻太乙理之唯二五行其中道為豐和之其

皆為貞吉其理初之於四也

於卑弱而

無疑四則陷於剛強而有悔

治亂相間

筭和無囚迫為順否則為

如占太乙理三之

與上也處二休之極位植閑囚掩迫格對之年而有凶咎如占其三也剛不能弱其上也尊不能卑皆有凶陽九百六出入首之年凶咎愈深上爻為重

經一百八十年象曰雷風恒君子以立不易方

太乙統恒之卦人君此時守恒不變立天下之經也  
動萬物者莫疾乎雷撓萬物者莫疾乎風  
風雷二物貴乎有恒雷不恒則雷之威折矣風  
不恒則風之力窮矣迅雷風烈必變為非恒也人  
君一動一靜四方之所觀聽如雷風之於萬物雷  
可恒動而震之乎風可恒撓而散之乎雷風以  
時而有恒人君体道而守恒立為天下之大經者

如東西南北之不可易也故曰立不易方方者  
謂天不變道亦不變禹繼舜舜繼堯三聖相  
授而守一道於恒之象見之矣

恒之六爻太乙理之唯二五行於中道魚失位而晦亡  
得吉者以其在中也太得位而不中不若而失  
位者也唯和筭和其理初爻之時陰微柔暗有  
凶恒之為卦曰利真者特守也曰利往者變  
通也有一定而不易者安能常久哉值囚迫

之年兵饑凶喪如占太乙理九三之爻虽位得  
天有不恒其德之脩者以其居下体之上臨將  
變之時過中喪得羞吝生焉位掩迫為殃如  
占太乙理九四之爻宜筭和安居之世而無損益  
理六之時位極操動妄與徃役掩迫之年期應  
變陽九百六出入首尾之年尤凶

益三三

經一百八十年象曰風雷益君子以見善則廷有

過則改

太乙統益之卦人君當此之時聖學日益思以益天下  
之民也風之威得雷益彰雷之聲得風而益遠  
有益之象風之入物也為甚速有見善速廷之  
象雷之收聲也能自反改過反己之象人君學  
以日益者無他廷善改過思以益天下也舜聞一  
善言見一善行若决江河沛然莫之能禦舜  
非無善也其廷善之速如此舜學求益也以成

湯之聖得仲虺之賢以賢臣輔聖君不稱其過無  
無而稱其改過成湯非有過也其改過自反如此  
湯學求益也雖然為學日進為道日損為能  
懲忿窒欲自損於首前然後廷善改過致益於後  
損益二卦相為用也聖矣哉

益之六爻太乙理之唯二五行於中道得其中正皆

吉五五乃施益之時二乃受益之時五益時得中得正筭  
無因迫慶太莫焉太乙理初爻之時為益之主自外

來而况血內之時也虽其位在下遇筭和故為太  
作而无吉其理四也為依廷國之時邑民不安其  
居則廷順下而動為利所依者益之時如占太乙  
理六三上九之爻臨二体之上以盛滿為戒益之不已  
為損過迫挾閔因則盈滿至焉三在下体之上  
而猶卑又居多凶之地時臨患難非常之節故  
用凶事無咎者急時難急求民凶患心不自  
肆驕溢之患亡矣至於上極之時求益不知止滿

而不知止得而不知厭味而惡滿之戒立心無恒不  
有凶之世者鮮矣筭遇迫挾陽九百六而為損  
其至矣哉

坎三

經一百六十八年象曰水洊至君子以常德行習教  
事

太乙統坎之卦人君此時不以平居中險無事廢無所  
以教天下之有常也坎為水上下相繼洊至習熟

之象坎在於八卦中獨如習之一字何也可以習  
孰習則知陰之世勢為戒虽險而不變臨險而不能  
應矣人君常德行不以平居忘險也習教事不  
以無事廢武也平居不忘險所以遇險而不變  
無事不廢武也平居無所臨險而能應矣宣王  
有常德以立武事故能內脩政事外攘夷狄復  
文王之境土修車馬備器械復會諸侯於東都  
因畋獵而選車徒焉習坎之君宣王以之



坎之六爻太乙理之為吉道有三為凶道有三理初  
之爻也處不當位入于坎陷理三也進退皆險  
來之坎理上也居險之極三歲不得得一爻凶於  
一爻是進而險之時也遇囚迫有凶變之占上爻  
尤甚太乙理九二之爻也行中道小有得理四也  
得其位中無咎理五也行中道祇既無咎一爻吉  
於一爻是進而出險之時也筭和為安

離三

經一百九十二年象曰明兩作離大人以繼明照於四  
方

太乙統離之卦人君此時明得相繼不息所以昭知天  
下無壅蔽也上下皆離以火繼火明兩作也作有  
起兵之象聖人作而萬物覩真人作而天下同  
明兩作乃是絕局若曰作離非也知天地交則為  
泰不交則為否若曰交泰泰非也自乾至未濟  
大象義皆類此其為卦或一字或二字一句合

體離繼照如舜之重華則明於庶物察於人倫  
武王之重光則奄有天下斤斤其明當是時未  
聞壅蔽之為患也明四目者舜無不見之物明  
作哲者武王無不知之人其照四方也遠矣故曰視  
遠惟明

離之六爻在時初爻為日二爻麗中三爻在是是其理  
四也為旦五亦中亦是以此見太乙理重明之義  
其理初爻時歲和筭和治若敬慎法無妄施

為安居无妄之世理六二之爻太乙行于中道  
當文明中正之世元吉大治豐盛時也九三之爻  
日昃將傾值陽九百六為凶變如占理九四之爻  
暴雷逆得之世遇擊迫掩為凶理六五之爻太乙  
在中道守文明之事也惟在下有四之焚凌在上  
有六之征伐能憂戚慎懼為吉者得中而筭和  
也太乙理之上九之爻當剛則明險惡之時筭和  
將發以伐不義威加海內德內德加泰之治陽九百

六掩迫之年有凶脩德寬以應天變

既濟 三

經一百八十年象曰水在火上既濟君子以思患而預防之

太乙統既濟之卦人君此時安不忘危存不忘亡治不亂所以與天下同患而為備也離為火於下坎為水於上二者相濟而為用有既濟之象然水之性必於下火之性必於上火上而水下則為未

濟於既濟而知未濟則於安之中為危之備存之中為亡之備於治之中為亂之備此思患預防之明貴乎有先之機也孔子曰人無遠慮必有近憂堯舜不以得天下為樂而以得天下為憂非思患而預防之乎若乃患至而後懼寇至而後備噬臍而無及矣詩曰息天之未陰雨徹彼桑土綢繆牖戶可與言既濟之象

既濟六爻太乙理之蚩皆得位而為吉者蓋所以明

盛極將衰之意太乙理既濟之初時魚尚險輪尚  
曳而未前尾尚濡而未前尾進斯時也慎而戒  
謹嚴其輕慢慢其肆忽筭和為安乃得無咎  
其理六二之爻魚喪其所盛而復德之者太乙守  
患道也太乙理九三之爻治將變而為亂安將  
變而為危魚將強大施之攻伐備德亦甚矣門具  
乃克關因有凶太乙理六四之時衰證已成故縹  
有衣初之象初吉終亂待治之限遇掩迫凶太乙

理九五之爻時盛而已衰魚居中道至于極  
矣會陽九百六首尾之年然後善処道亦如  
之何易言時者也其理上六之爻迫挾位極  
危亡將至其爻哉

未濟 

經一百八十年象曰火在水上未濟君子以辨物  
居方

太乙統未濟之卦人君此時別天下之邪正使不

失其未<sup>位</sup>庶幾始於未濟終於濟也當既濟則  
未有濟預防之患今未濟為卦反為既濟  
坎水在下離火在上二者不相為用以六爻現之  
三陽皆居陰位九二九四上九是也三陰皆居  
陽位初六六三六五是也陰陽各失其位則天下  
之邪正雜以所以為未濟欲其能濟而為用必  
謹於辨物各居其方便使陽物得居陽位陰物得  
居陰位則坎升於上離火降於下二者相為用

則未濟終於濟也未之一字有待而然八元八  
愷舜則舉之使居於內如辨陽以居其方其  
驩苗鯀舜則去之使居於外如辨陰物以居  
其方舜有大功二十舉十六相去四凶也地之  
未平而終於平天之未成而終於成六府三事  
之未治而終於治未濟而終於濟也二卦相為  
有倚伏有生不生不窮之理夫是之謂易人君體之  
未濟六爻太乙理初爻之時居陰而險下閔囚之歲

乖凶多憂如占理九二之爻太乙行於中道時  
當未濟又陷二陰陽道不升有曳輪之象其  
吉者太乙在上在中故也太乙理六三之爻不得位而居  
坎險內極之上如遇迫掩之歲水患凶殃如占太  
乙理九四之爻未濟出於險外待治之限興衰  
治亂震伐有功理六五之爻太乙行於中道未濟  
大通文明光盛三才筭和得輝日新太乙上九之  
爻為外極處非其位不可用為筭和固守需燕

為安忌掩迫之歲惡首尾之年旱灾飛蝗兵  
戈變異皆如其占

艮  
䷳

經一百六十八年象曰兼山艮君子以思不出其  
位

太乙統艮之卦人居此時專論相之駭不兼臣下之  
事使天下各得其盡心也上下皆艮有兼之象  
艮止地各止其所有不可兼之義也故為君必止

於仁爲臣必止於忠爲父必止於慈爲子必止於  
孝各止其所之義田也書曰安汝止詩曰夙夜  
敬止人君治所止則心無不寧學無不專道  
無不進天下之事雖不以身兼之而天下之事  
畢矣現舜之命禹不以命稷命夔不以命龍命  
皋陶不以命伯夷舜亦不以象職自兼恭已  
無爲正南面而已其若人主不安所止自以聰  
明過於臣下兼將相之事失處爲君之體情不

相通上下不應當此之時禍豈小哉

艮之六爻太乙理初爻之時建功立德居柔在下筭  
和之年治政守常國得寧鑑之利因迫等凶  
變如占理六二之爻太乙行於中道雖居得中守  
政無援失依盈虛進退筭和爲安掩迫爲戚如占  
理九三之爻以剛居剛臨下體之上動靜以治亂  
不能以時因格之年乖戾大興太乙理六四之爻  
所居得位而安理六五之爻太乙行於中道當

倫序中<sup>正</sup>之世國邦安裕太乙理上九之爻位極  
篤實守終無益得仁厚之風安和泰治之時惟  
忌陽九百六掩迫之年災變如占

兌<sup>三</sup>

經一百九十二年象曰麗澤兌君子以朋友講習<sup>習</sup>  
太乙統兌之卦人君此時樂縱經術之士講明天下  
有用之學兌為澤說也上下皆兌潤說也萬物  
而有盛麗之象上說以從下下說以告上君臣之間

以分則嚴以道則親之德友言講習道義相為  
樂也說於声色極必有害說於道義久而彌益  
以堯舜禹湯之聖皆說於習堯學於君<sup>時</sup>舜學於  
務成禹學於西王國湯學於成子伯至傳說告  
於高宗曰主人<sup>夫人</sup>求多聞惟時建事學於右順乃  
有獲事不師右弗克永世匪說罔攸聞是知君  
臣有朋友之習不亦說乎

兌之六爻太乙理之取說淺深為別其理初爻也得



和爲吉說得其宜之時者也說而得宜寧有不  
吉之世哉太乙理九二之爻行於中道說而有孚  
之時故安吉焉太乙理六三之爻失位無應說非  
以道之時說而不已有凶隨之在迫挾之年理九四  
之爻處非其位當憂患過傷之時得喪未較<sub>定</sub>  
善商度守玉<sub>正</sub>之君福慶隨之筭長和吉筭短  
掩迫爲凶太乙理九五之爻行于中道居尊得位  
說善之時也其言孚於剝者說道將消故說

有厉之械樂極則憂生喜盡則悲至乃有厉  
也太乙理上六之爻位極無應日引允以其居上  
而爲說之倡也說非所以爲倡也利隨者故未  
光太乙理說之始終則知說非治之正而固貴正  
矣忌閑囚掩迫出入首尾之年而凶變如占

損三

經一百十年象曰山下有澤君子以懲忿窒欲  
太乙統損之卦入君此時爲道自澤損深惧乎損天

下之民也艮為山兌為澤山下有澤山之土日消  
矣有損下之象人君觀此寧以自損不以損民  
艮止有允說也將以懲忿必有以說之將以窒欲  
必有以止之人君以禮說心忿自懲矣以禮制心欲  
自窒以說於人為損於天下為益何哉懲忿則  
無忿天無征戰之君窒欲則無貪天下無侵漁  
之患豈不為天下益哉其若不能懲忿窒於疲兵  
勞民殆無寧歲損天下以快欲之私也惡知苗民

逆命舜乃誕敷文德以來之唯恐忿之不懲成  
湯不迓声色不殖貨利惟恐欲之不窒舜湯  
自損而天下不受其損太乙理此之時不能自損  
而天下皆受其損也損之一字顧所用何如哉人  
君可不顧哉

損之六爻損有余補不足太乙理之隨時有所宜尔  
太乙理初爻居陽位有應筭和損而無咎安寧  
之世理九二之爻太乙行于中道陰陽相應治利

於正而得勿損益之時筭和乃有嘉祥理六三爻  
之內極天地易位細縕生物之時損有余而損補  
不足筭和為安不和則有悖乱灾害如理六四之  
爻損時有應筭和喜利邦國太乙理六五之爻  
行于中道君臣贊輔福佑元吉豐和之限其理  
一也損極當反施惠恩澤利有攸往三才筭和  
為吉迫掩之年修德釋損極之禍陽九百六之年  
有凶如占

咸  
䷞

經一百八年象曰山上有澤咸君子以虛受人

太乙統咸之卦人君當此降高升卑虛懷無我使天  
下之人皆得而受也艮為山居下兌為澤居上高  
而降澤卑而升山澤通氣有咸感之象人君所以  
感天下之心者何容心哉亦降高而升卑示其無  
我也天下感人君之無我莫不相率而歸之其歸  
之不穷而受之亦不穷如山澤之通氣感應以相

与可得而穷乎山河容心于受澤人君亦河容心于受人舜受天下不以為樂非容心也唯其無心故能舍己從人樂取於人以為善也谷以虛能應鑑以虛能明人君以虛能受皆不期然而然咸之山澤通氣謂之咸應相与不期然而然也

咸之六爻天氣下降地氣上升感應而相與正也太乙理之時為得道天下不患其不亨唯患其不正感亨利真之世君之所用必淑后君之所任必忠臣

君之所進必賢士國無不治民無不豐太乙理初爻之時居陰氣微止靜之際省方脩治筭和為得道不和為失道遇掩迫格對之年灾傷愈深太乙理六二之爻以陰居陰虽行中道在艮止之唯時其筭和守治為安筭值迫掩有喪失之禍太乙理九三之爻臨內極之世筭遇掩迫格對之年為凶限筭和治平以消危亡太乙理九四之爻筭和為泰守止無備可

以致告太乙理九五之爻行于中道敷惠德之  
時而為安和之限太乙理上六之爻為極為亂  
口舌搖言之世遇迫挾掩擊陽九百六相會之  
年為喪亂致凶矣

其三曰陽晶守正之運繼之以男女交親之後天地  
判而男女生夫婦交而萬物成男治世于先女理  
事于后男之治也從父之道故為陽晶守正之運  
自大壯至遯統六卦歷一千一百五十二年卦体陽

晶守正之象焉此運大壯无妄長男從父需訟  
中男從父大畜与遯少男從男父也六卦太乙  
行至其運在年月則天多亢極少雨澤之降  
五谷焦枯熒惑昼見旱風鼓飛口舌繁亂火  
灾為亂日時行其運多陽少陰虽太乙行至陰  
陽相應処有動妄之咎理九三之爻内極亦陽居  
陽故為觸藩而羸其角格對掩迫之年而有凶  
太乙理上六之爻則為壯極而有獨藩之象遇

關囚迫掩格對之年而有凶變各如其占更逢  
陽九百六禍亂尤深筭和則災患淺矣仍宜脩  
德大乙理九二之爻行于中道以陽居陰而得  
中也太乙理九四之爻陽居陰位能以難而應吉  
貞吉悔亡太乙理六五之爻居尊得中而无悔以  
陰居陽者也由此現之人君值斯其所慎壯也哉  
其或用壯則在過咎之禍矣

大壯 ䷗

經一百九十六年象曰雷在天上大壯君子以非  
禮勿履

太乙理大壯之卦人君當此之時知剛壯之爲戒  
率民以中使天下無非禮之犯因爲大陽爲小  
陽剛盛而動故有大壯之象壯者動于理則吉  
動於非禮則凶人君其尊如天其威如雷其勢  
剛以壯一或妄動非禮也况天下至於而不知禮  
持其剛壯則剛暴侵陵之風孰得而治之禹緣

情制禮湯以禮制心文化行無私犯禮武王動以  
禮遜成王周公以五禮防萬民之僞古者人君未  
有不謹於禮所以制其剛壯率民以中也可不慎  
教

大壯六爻大爲陽小爲陰陽盛故也以其陽盛故六  
爻皆以盛爲忌太乙理初爻之時以陽居陽故有  
壯余趾而凶更筭數不和而遇迫掩人君動以人欲  
爲妄矣人君以天之尊行雷之威一或妄動物

皆被害所以茂對時也茂猶密也對猶吞也不  
先時而妄動也東作南訛西成朔易折因夷  
與各順其所宜鳥獸草木各遂其所生孟  
春則禁止伐木毋覆巢毋殺孩蟲仲春則  
毋作大事以防農事毋竭川澤毋漉陂池毋  
焚山川季春作周視厚野修利隄防毋有障  
塞畋獵置四不羅網畢乙餽獸之藥毋出九  
門以夏至秋冬亦各有戒深禁乎時先之妄

動也聖人所以成天下太順輔萬物自然者以  
此之時

无妄三三

經一百九十二年象曰天下雷行物欲無妄先王以  
茂對時育萬物

大乙統无妄之卦人君此時不敢先時妄動循天  
下萬物自然之理也乾為天居上震為雷在  
下雷行以天也雷以天行萬物不厭其行雷動

則物与之俱動与其不妄動也雷非妄動物  
非妄動皆天理之自然動以天則無妄亦多  
早少雨澤也无妄六爻元亨利貞太乙理六二  
九五之時也行於中道德正康泰之時其匪  
正有青者太乙理内外之卦上下極爻皆值灾  
而不能免數極之時不幸而生灾也關囚掩  
迫格對之年各如其占值陽九百六出入首尾  
之年太乙理初九九四之爻國政靜処不以



妄動爲安更遇筭和寧鑑安靜不和關囚掩  
迫之年四民失業兵亂喪亂凡太乙理無妄之  
時國皆以妄動爲戒

需三

經一百九十二年象曰雲上於天需君子以飲食宴

樂

太乙統需之卦人君此時優游以養天下之氣非謂  
以飲食宴樂其身也雲方上於天則雨可待而

至也故有需之象人君設學校以養天下之士  
勸耕農以養天下之民備軍儲以養天下之兵  
豐廩祿以養天下之吏使之優游宴樂自得  
其心可以養天下之氣非一朝一夕之所志現鹿  
鳴之燕嘉賓常棣之燕兄弟伐木之燕朋友  
故舊湛露之燕有功諸侯皆以飲食相與宴  
樂非獨樂其身也不然有酒如池有肉如山  
極九州之美和爲一人之私亨未見其爲樂也

茲樂也祇祈以爲國之凶禍也教

需之六爻太乙九二五之爻行於中道得中正豐稔  
盛泰之世泰乙理初九九三之爻當憂患之時以  
涉遠近爲言唯利筭和不和爲凶值閔因掩迫  
对格之年而生灾異太乙理六四之爻陰陽交獸  
之時筭和爲宜得和而爲順矣太忌關因对格  
掩迫之年各隨所占太乙理上六之爻位極多忌  
陽九百六關因迫掩对格之歲隨占而生變易也

訟三

經一百九十二年象曰天子水違行訟君子以作事

謀始

太乙統訟之卦入君此時先事而慮欲天下之無  
相訟也天行西水行東二者相違有訟之象人君  
知天下之訟皆起於相違故教其爲父必慈爲  
子必孝爲兄必有爲弟必恭各使其教之所  
自立有不可爲者存焉至於臨財不敢苟得臨

難不可以苟免必無求勝分母求多皆謀之未  
萌也聖人又慮其教之或違不得已而惧之以刑  
其于無刑非樂以用刑也故王者之法如江河之易  
避各使其刑之自設亦有不可違者存焉於相  
為之象而有不可違之戒豈拂天下之心哉天與  
水相違勢也天順行於西水順行於東也人君作  
為教刑不以勢而以理使天下知理之所在何訟之  
有哉無不安君也

訟之六爻天陽上升水性不流二体相違訟之象也  
上剛下險外健險而外健訟之所由成也太乙理  
此六爻之時為紛紜爭競之世夫能訟必剛強也  
唯二五之爻太乙行於中道則獲吉而無眚以  
無禍為禍為福之世余爻皆有禍乱惟宜算和  
值閔囚掩迫对格之年凶如占有上九之爻尤  
甚人君覘初之吉而中以歸連僅免訟其可終  
哉故終而得服猶不為福聖人之戒嚴矣

大畜三

經一百九十二年象曰天在山中大畜君子以多識  
前言往行以畜其德

太乙統大畜之卦人君此時好古博學將以畜天  
下盛德之事也艮為山居上乾為天居下下之  
所蓄者天也豈不大哉或謂山中安得有天特  
虛象耳聖人設卦現象必有是象然後有是卦  
山中惡得無有天天之蒼蒼豈正色也耶凡嶮

峒無物者強名之為天一身之中謂之性天指  
其空洞无物者言之然則山中之空洞而無穹  
者不謂之天可乎人君体艮之篤實乾之剛健  
空洞其中無所不納前言往行可以為盛得  
事者兼收而並取唯恐識之不多學之不博德  
之不廣如天之在山中則其所蓄者大矣故曰  
剛健篤實輝光日新其德古之王人多求文唯  
時健事學于古訓乃有獲傳說以告高

宗得之矣

大蓄六爻以艮蓄健在時取其止養之義太  
乙理初九之爻有厲而厲利已理九二之爻  
在中道說輻而無尤初與四應二與五應上  
爻二柔之蓄也唯利筭利和為宜不和皆如  
其占矣太乙理六四之爻童牛而有喜理六  
五之爻行於中道積豕而有慶此二者下而  
無蓄二剛之進也筭和為大治之時太乙理上

九與三九之極爻良馬之逐并于天衢蓄二  
剛之進也道于此散矣忌關囚掩迫对格陽  
九百六之年灾變如占然天下之健莫健於  
乾豈良所能蓄哉現艮以二陰蓄乾三陽初  
不見其為難果何道而然牧教之哉時也  
此其所能蓄哉以為大蓄盖天下之道以勇服  
勇者必以關敗以剛制強者必以争竭方且  
竭於争而敗於關於畜乎何有哉此蓄剛之

所必貴於柔也太乙理斯人君体此而治以利天  
下方善也

遁三

經一百九十二年象曰天下有山遁君子以遠小人  
不惡而言嚴

太乙統遁之卦人君此時知二陰之侵長所以遠天  
下之小人不可得而犯也艮為山乾為天山勢虽  
高天尊在上山可得而凌乎二陰虽長四陽在

上陰可得而剥乎此小人有可遠之理君子有  
不惡之言嚴施其威於不暴用其術於罔窺正  
其在我待其在彼使小人望其尊嚴終不可犯  
亦將自遁去如山之不可以凌天天亦不惡其  
為山也小人不可以犯君子君子亦不惡乎小人  
也然人君子與天同尊其嚴自存堯仁如天其智  
如神虽有四凶留以待舜舜亦垂衣拱手恭已  
正南面而回罪已而天下咸服不失為二君之嚴夫

何之有人君臨此之時体而用之為焉

遁之六爻陰消陽長之時當遁之時皆貴乎遠故  
外卦皆吉太乙理初爻之時初之尾而未能數  
貴於和不和囚迫關格各如其占太乙理六二  
之爻行于中道而有應執之用黃牛之格而  
至日閉閔商旅不行后不省方太乙理九之爻  
三之係而未能遠遁可避而不能避時也忌閔  
囚掩迫陽九百六之年而有凶變各隨其占太

乙理九四之爻居有應之世數貴在和而為安

泰太乙理九五之爻行於中道上下相應君臣

道合嘉美豐盛之世太乙理九五之爻虽居

極位肥遁之世而無凶唯數貴乎和尔忌閔囚

掩迫擊格之年有凶其四曰陰羸權衡之運自

現至臨統六卦之地後女子之治也從母之道為

陰羸權衡之運自觀至臨統六卦歷一千單八年

象体陰羸權衡之象焉此運現與升長女從母

晉與明夷中女從母萃與臨女從六卦太乙行其運年月至此則人主失國忌大水太陰尽光鳥鷄夜啼陰毒鬼恠以輔灵祠日時行其運多陰而少陽虫行至陰陽相應处亦多風雨而少晴明也

現三

經一百六十八年象曰風行地上現先王以省方現民設教

太乙統觀之卦人君此時察天下之休戚而施於民之時也巽居上為風坤居上為風坤居下為居地風行地上而萬物鼓舞人皆得而見之故有現之二陽象居尊四陰在下又有眾仰之象巽風号令於坤上眾仰現於下人君豈可邈然高拱九重而不周知萬物之情哉君論一象相論幾守守論幾令所以省察郡國之幽隱現覺風俗之厚薄民憂亦憂民喜亦喜強者仰之弱



者扶之善者覲之不善者懲之此覲物設教之時也古者五載一巡狩群后四朝敷奏以言明試以功傳之萬物世為可覲也若乃望之不似人君就之而不見所謂畏焉民何以覲之哉人君審此而用之則國政無不加美矣

覲之六爻陰長陽消之卦言聖人不言消長而取中正以覲天下之義以此足見其仰陰之意矣太乙理初爻之時賢遇遇相混數貴以和不和格

對關迫各隨其占太乙理六二爻虫行於中道筭和為安不和友為醜各隨其所占而值灾變太乙理上九之爻虫居極位而有應數在和為治安忌陽九百六出入首尾之年而有變凶

升三

經一百六十八年象曰地中生木升君子以順德積以小高大

太乙統升之卦人君此時積善不已所以有天下之

富貴猶未及其高且大也木方生於地中始於  
毫末終於合抱積而升也終日助苗之長升  
可得乎

旦旦而伐之牛羊又從而牧之升可得乎人  
君巽順其德積而不已自然積善而名顯德  
彰而身尊富有四海富而不驕貴為天子貴  
而不野升位三王之上名升五帝之前升以德也

其名自以為德也其名自以為德功高五帝其  
言愈高其德愈下非順以積也湯以七十里文王  
以百里前為少康亦一以旅之衆皆謂之積德  
而後與人值此之時其得不積善以行順德哉  
升之六爻亦以衆象而德名也木生地中自下而上故  
謂之升太乙理初之爻時為升之主為允升之世  
筭和有嘉祥之兆太乙理九二之爻行于中道  
以剛居中豐和道泰之世太乙理九三之爻六四

為得位之限邦國安和理六五之爻太乙行於中道以柔居尊賢臣輔政慶瑞嘉祥之物太乙理上六之爻升而位極而有凶變遇陽九百六掩迫之年各隨其占修德政行恩宥以釋之

晉三

經一百六十八年象曰明出地上晉君子以自昭明太乙統晉之卦人君此時示天下皆知聖德之清明不可欺也商為火為日為電皆明物也今出

乎地上不可掩人君內以照臨百官外以鑒覲四方如日月之顯示萬物人君好用明之過哉照以示百官使百官戒慎而無曠弛之職照以示四方使四方覲瞻而無雍蔽之情皆自上以示下有不可欺之意否則百官欺於內四方欺外一人疑於上百性惑於下豈不為可惧哉文王光於四方顯於西土使大邦畏其力小邦懷其德庶邦享作兄弟方來一說就用明德非以其昭

昭使人昭昭者乎

晉之六爻明出地上為平直升地之象晉者晉也  
太乙理初爻之時位卑柔弱之世筭和安忌囚  
迫如占太乙理六二之爻虽行於中道失應悲  
愁之世遇陽九百六關格之年而有凶喪太乙  
理六三之爻雖極陰陽相應衆允安和之限太  
乙理九四之爻在多惧之世數貴在和忌關囚  
掩迫之年各如其占太乙理六五之爻行于中道

君子位之正國殷大治民優豐泰之限太乙理  
上九之爻位極之限遇關格陽九百六出入首  
尾之年凶變如占

明夷三

經一百六十八年象曰明入地中明夷君子以莅  
衆用晦而明

太乙理統明夷之卦人君此時明德於內柔晦於  
外戒失好察天下之失也晉所以自昭明德者

非用明德之過也明夷所以晦而明者戒用明  
之失也其明則一其為用不同用於晉則文王  
之明顯用於明夷則文王之明晦一明一晦避之  
益夜日月星辰送隱迭隱迭見其義深矣書  
曰昔在帝堯聰明文思又曰堯文之聰明將使  
嗣位又曰昔在文武聰明齊聖至於作聰明亂  
舊章未常不深切戒人主之用明也用之一字  
微矣哉

明夷六爻明有傷之象曰入地中晦明之時太  
乙理初九六二之爻為受傷之時陽九百六關  
囚掩迫之年有變太乙理九三之爻虽內極居  
得其位得其治而南狩筭和而有嘉喜太乙  
理六四之爻筭和為得道之世不和為凶太  
乙理六五之爻明臣為暗君所傷忌陽九百六關  
格掩迫之年而有深變太乙理上六之爻唯利  
筭和忌格對掩擊灾變如占

萃三

經一百六十八年象曰澤上於地萃君子以除戒  
不虞

太乙統萃之卦人君此時防天下羣聚之為非  
也兌說也兌為澤又為口舌坤順也坤為地又  
為象澤上於地其潤澤萬物藩衍盛多順說  
之時也有萃之象時方順說物方順說蕃盛國  
家紐於般樂怠傲不知安馬之習一旦倉萃乘

間投隙聚而為非者皆起於順非而說成於  
口舌嘯乎之間其何以禦之人君觀此之象除  
戒器備也如費誓一書善谷乃甲謂敵乃干無  
敢不矛備乃弓矢鍛乃戈矛斨乃鋒刃無敢不  
善孔子序也以其有治戒征討之備也宣王  
復會諸侯於東都可謂萃聚之時然而不  
廢車馬之修器械之備其妨天下聚而為非  
者至矣故曰為非義是斯時也

萃之六爻澤上於地上說下順為聚萃之世太  
乙理初爻之時有應和之限太乙理六二爻行於  
中道得位有應清平盛泰理六三之爻內極筭  
和安居理九四之爻陰陽和四序應太乙理九  
五之爻行於中道君尊得位君臣同心四海  
殷萃寧鑑之時太乙理上六之爻位極無應忘  
陽九百六閔囚出入首尾之年咨嗟嘆災變如變  
占

臨三

經一百六十八年象曰澤上有地臨君子以教思  
无窮容保民无疆

太乙統臨之卦人君此時臨民此天下皆歸吾聖  
度之中不見其畔岸也坤順居之上兌說居之  
下夫君臣在上臨民如地之生万物而不知其  
生成万物而不識其成載華嶽而不為之重  
振河海而不為之洩其為聖度也完矣故其

設教以化之則思使民宜之而不倦由之而不知  
如舜之不窮其民是也容之則無一民非其臣也  
保之則無一民非其子也豈有胡越夷夏彼疆此  
界之分哉此人君處順於上如地之無不載百姓感  
說於下如澤之無不被地之臨澤君之臨民其象  
如此不然一切以暴察之威臨之則朝令夕改其  
變也可立而待未見其無有不快已意則輒違  
掃穴指長城以為之限保金以為之固見其無強

易之臨民也久矣哉大矣哉

臨之六爻二陽方長君子之道方盛之時世故正大  
也太乙理此之時六爻皆吉惟六爻之內極居  
非其內位值陽九百六掩迫之年凶變如占古  
之聖人處臨之時凜凜如馭朽如履薄不安其  
安是以無危不樂其樂是以無憂上三爻君臣  
德臨民之道邦國大殷筭和之年有祥符瑞  
之慶臨則二陽長而四陰消規則四陰長而二



陽消聖人於陽之長而已慮其消值此之時深乎遠哉

其五曰資育還本之運繼之以陰毳權衡之運坤陰也是陽育而生男乾陽也得陰化而生女男歸於母故有資育還本之運自豫至謙六卦歷九百三十六年卦體資育還本之象焉此運豫每復長男歸母比與師中男歸母剝與謙少男歸母六卦太乙行至其運年月值此豐稔在前與

師在後四夷朝服德化清平日時行其運為豐和泰稔之限至剝謙之卦天氣多昏日月失氣也

豫

經一百二年象曰雷出地奮豫先王以作樂崇德陰薦之上帝以配祖考

太乙統豫之卦人君此時感召和氣說事天說神所以感天下之樂也震在上坤在下有雷出地

奮之象所以爲豫者蜚斯起屈斯信晦斯見  
窒斯通以樂之出虛以和人心如雷之出地以  
說萬物人君於此作樂以召至和非徒樂鍾  
鼓管籥之音而已矣將以崇大王者功成之德  
意使陳之祖考安樂也書曰八音克諧神人以  
和此作樂之本意人君值此宜以作樂崇德上  
之上帝以配祖考之用也

豫之六爻順以動名之卦之義利建侯行師衆存

焉動而有地侯之象動而有象行師之象太乙  
理之利建侯行師之時也其理初爻鳴豫爲凶  
值關迫囚擊而有災變如占太乙理六二之爻  
行于中道四夷拱八方寧時豐清平之象太  
乙理六三之爻居下体之上利於筭和不和之  
年如占太乙理九四之爻爲豫之主利時征逆  
暴太平時盛殷之世太乙理六五之爻行於中道  
君子尊位八方道泰豐豫君臣同德清和之

限太乙理上六之爻冥豫溺說荒亂之時數值  
關格陽九百六之年災變如占外極限也

復三

經一百五十六年象曰雷在地中復先王以至日  
閉關商旅不行后不省方

太乙統復之卦人君此時慎天時省人欲以息天下  
之民也雷出地豫入地爲復雷至之日一陽潛萌  
於子之時萬物發生之義深藏乎其中也先

王於此閉關商旅不行后不省方不敢妄動以  
息天下之心也蚩閔譏征商利欲所入方且禁  
止不咎其門所以抑貨利防嗜欲之萌也十月  
朔巡狩先王省方正其時也后不省方持盈待  
成繼其後也省方有時而動戒乎妄動之動也  
雷動萬乘未免勞衆復非勞衆之時若乃筭  
舟車稅間架設官市無時而不可省方之爲  
戒爲人君臨此時上順天道下息民心得數之大

義深有旨哉

復之六爻陰極而陽復一元之氣運轉流通生生不息此天地之心也太乙理初爻不遠之復其爲元吉筭和有慶太乙理六二之爻行于中限爲體復時豐民泰理六三之爻居內極之上筭遇囚迫掩格之年有變如占太乙理六四之爻有應理六五之爻行于中道時安道泰之世处处有之世黃中色也牛順物也革則厚且堅也中則不倚順則不激其後且堅不輕不操國有是德安泰固焉太乙理上六之爻外極無應喪失之限值閔囚迫挾之年有凶如值陽九百六出入首尾之年灾變愈深

比三三

經一百五十六年象曰地上有水比先王以建萬國親諸侯

太乙統比之卦人君此時合天下之心使無間也水

在地上水与地爲一矣今覆一盃之水試之水不離乎地也天下之心豈有离人君者哉先王所以廣建萬國親比諸侯如心膂之相連手足之相應吾親即汝之親吾子即汝之子天下一家萬國一体此地上有水比輔而无間也周封同姓而以本枝強秦罷封建而以孤立亡紂有億兆夷人離心離德天下古明之驗也豈時異而然哉古者封同姓使不失比輔相親之義雖萬世

可爲之則也

比之六爻皆以無應爲吉盖比之時貴乎私通若取應而所比則挾矣太乙理初爻之時數貴爲和理六二之爻太乙行於中限君臣親比八方寧謚理九五之爻太乙行於中道君於尊位君臣聖賢八表受化安泰之限泰乙理上六之爻位極天下非所相比附之時值閔囚掩迫陽九百六首尾之年灾變如占

師三

經一百五十六年象曰地中有水師君子以容民蓄衆

太乙統師之卦人君此時當以禦寇所以存天下民也非殘民於鋒鏑之地自爲之寇也保之藏之如地中有水焉水不可衝決爲患尔故人君設兵以爲之防禦其衝決之爲患也苟無衝決之患則水由地中行其自然容之可也豈有無病

病而加砭劑樂于好戰殘民者哉師之爲焉卦坤在上坎在下以坤土治坎水豈不易爲力乎故曰知若禹之行水行乎地中也行其所无則知亦大矣中國下于夷地親知所以含忍不經於一戰行其无事務在養民也君承富庶之於穷兵黷武勞民勳衆殆无寧歲末年海内虚耗咸咸至半庸之昭詔矣哉

師之六爻坤爲衆坤爲剛中以五柔而順一剛有師

衆之象五柔偶立五人爲伍五旅爲師也太乙理  
初爻謹律以始善則爲吉不善以凶爲例筭和  
之年爲善迫狹閔格動如其占太乙理九二之爻  
行於剛之中限爲師之主師以有功爲擊國得  
無咎八方歸化也太乙理六三之爻居下体之上不  
得其位而無應閔囚掩迫之年凶變如占太乙  
理六四之爻在多惧之限忌擊迫囚對太乙理  
六五之爻行於中道上下皆應君臣同德爲

治平之限理上六之爻位極無應值陽九百六閔  
格囚迫變如占

剥 ䷖

經一百五十六年象曰山附於地剥以厚下安宅  
太乙統剥之卦人君此時戒剥之殘民思固天下之  
本也艮爲山居上有爲人上之象坤爲地居下  
有爲民衆之象以五陰而剥一陽則陰盛而陽微  
矣人君當此之時不可爲戒哉凡居下者不可

不如坤之厚載也。蓋高以不爲基，貴以賤爲本。山附於地而後高，君附於民而後貴。是民爲邦本，本固邦寧。譬之安宅，必先下厚以爲基也。剝之又剝，則岌岌乎其亡矣。聖人作易，時於剝之大象，以上言之，言其上安由下厚也。詩之君子所以立太平之基，厚下以安宅也。瓊其基，瑤其室，自以爲安矣。其如厚下何？堯土階三尺，第茨不剪，而黃屋非其本心，務厚下也。當是之時，雖

有九年之水，而民不告病，害其爲堯下厚而安宅之時也。

剝之六爻，陰盛剝陽之時。太乙所理爲不安之世，剝牀不已而及其膚，不已而及其廬，下无其床，失所安上，无廬失其所庇。剝之凶，蓋至此哉。數遇陽九，百六出入首尾之年。大凶國變，值閔囚掩迫，裕挾之年，各如其占。唯大乙理六三上九之爻，雖居極位而有應，雖臨亂離能守正，筭和而无凶。



乃不傾不危之世也

謙  
三

經一百五十六年象曰地中有山謙君子以裒多益寡  
稱物平施

太乙統謙之卦人君此時平其心而行天下之至公之時  
也地卑山本高今高者處其下卑者處其上此地  
中之有山也蓋高者下之故有謙之象人君此時富  
有四海不以富自驕貴為天子不以貴自矜於

是衰集其有余增益其不足稱物之輕重如權  
衡之平施使人人慰滿其心豈有不公不平之患  
哉惟其自富自驕而忘天下之貧以自矜而輕  
天下之賤使人人不平之忿則兼并攘奪之風曰  
昌貧窮盜賤之患日起奮臂而爭取者皆崢嶸乎  
大宗之上歆其為地中之山不可得也設卦現象  
數至於此其憂天下後世也深矣

謙之六爻山在地下是山之謙然于山為謙而地不

得為謙之卦地道卑順亦不得其和爾故內三  
爻言其吉外三爻言其利利爻則固不如其占  
矣太乙所理之時為豐和泰安之世唯二五爻行  
於中道慶盛殷大之限主利征伐者坤為衆互坎在  
中有師之象以伐不義上六謙之極位忌陽九百六  
閔囚擊迫之年有變如占筭和而為利矣

太乙統宗寶鑑卷第十四終

